

## KERATAN AKHBAR

---

TARIKH : 9 FEBRUARY 2023

AKHBAR : ASTRO AWANI

PAUTAN : <https://www.astroawani.com/berita-bisnes/bukan-hanya-angka-kdnk-tapi-ia-perlu-dirasai-oleh-rakyat-rafizi-405748>

### **Bukan hanya angka KDNK, tapi ia perlu dirasai oleh rakyat – Rafizi**



Rafizi ketika menyampaikan ucapan pelancaran Tinjauan Ekonomi Bank Dunia-Malaysia Edisi Februari 2023 pada Khamis. - Foto Astro AWANI/Shahir Omar

**KUALA LUMPUR:** Kerajaan akan memastikan angka pertumbuhan ekonomi yang baik dapat diterjemahkan dan dirasai oleh semua rakyat.

Menteri Ekonomi, Rafizi Ramli berkata Malaysia memerlukan anjakan besar bukan sahaja di peringkat kerajaan tetapi juga dalam kalangan sektor swasta dan masyarakat.

"Kita semua perlu melalui banyak perubahan dan mempercepatkannya selain menerima perubahan ini agar kita tidak hanya mampu menghadapi cabaran, tetapi yang lebih penting, merealisasikan banyak potensi yang belum dipenuhi dalam negara," katanya.

Beliau berkata demikian ketika menyampaikan ucapan pelancaran Tinjauan Ekonomi Bank Dunia-Malaysia Edisi Februari 2023 pada Khamis.

Malaysia dijangka mencatat pertumbuhan Keluaran Dalam Negara Kasar (KDNK) antara 4.0 dan 5.0 peratus pada tahun ini.